

Langkah awal
melanjutkan waktu
operasi kaunter jabatan
terbabit di Johor
sehingga jam 10 malam

Oleh SHAFIQ TINO

JOHOR BAHRU

Waktu opera-
si bagi semua
kaunter Jabatan
Imigresen
Malaysia (JIM) di seluruh nege-
ri ini akan dilanjutkan sehingga
jam 10 malam setiap hari ber-
kuat kuasa serta-merta bermula
Isnin.

Menteri Besar, Datuk Onn
Hafiz berkata, usaha itu
merupakan langkah awal diambil
bagi menyelesaikan isu ke-
sesakan orang ramai yang perlu
beratur panjang untuk me-
nyelesaikan urusan mereka ber-
sama jabatan berkenaan.

Beliau berkata, perkara itu
diputuskan selepas mengadakan
pertemuan bersama Pengarah



Onn Hafiz (kiri) mengadakan portemuan derigan Baharuddin pada Isnin.

JIM Negeri Johor, Baharuddin
Tahir susulan lawatan kerjanya

ke Pejabat Kementerian Dalam
Negeri (KDN) di Setia Tropika

Kesesakan di kaunter JIM akan diselesaikan - MB

di sini.

"Antara langkah-langkah pe-
nyelesaian awal untuk mengelak
orang ramai bersesak dan beratur
panjang adalah dengan men-
ingkatkan proses mengambil
nombor giliran agar ia lebih
dipermudahkan.

"Perbincangan dilakukan
juga memutuskan untuk me-
mastikan orang awam menerima
tempat menunggu yang lebih se-
lesa sekiranya mahu berurusan
dengan jabatan ini.

"Selain itu, operasi pejabat
imigresen di seluruh Johor juga
akan dilanjutkan sehingga jam 10
malam yang mana operasi pada
setiap Sabtu sehingga jam 12.30
tengah hari," katanya menerusi
laman Facebook miliknya pada
Isnin.

Onn Hafiz berkata, kaunter

urusan imigresen di Pusat
Transformasi Bandar (UTC) Kota
Raya dan UTC Pasir Gudang pula
akan beroperasi penuh tujuh hari
seminggu.

"UTC Kota Raya dan Pasir
Gudang kita dimaklumkan akan
beroperasi tujuh hari seminggu
iaitu dari jam 8 pagi hingga 10
malam," jelasnya.

Sementara itu, dalam hanta-
ran Facebook yang berasingan,
Onn Hafiz memaklumkan beliau
secara sendiri telah melakukan
tinjauan di Kompleks KDN Setia
Tropika.

Beliau berkata, hasil pe-
merhatiannya mendapati ke-
sesakan orang ramai yang me-
nunggu giliran untuk berurusan
dengan jabatan berkenaan telah
berlaku sejak 1 Mei lalu dan ia
perlu ditangani secepat mungkin.